



## Аллоҳ таоло айтади:

**«Айтинг** (эй Мұхаммад): «Агар Аллоҳни севсангиз, менга әргашинглар. Шунда Аллоҳ сизларни севади ва гуноҳларингизни мағфират қиласы» (Оли Имрон: 31).

**«Йўқ, Парвардигорингизга қасамки, то улар ўз ўрталарида чиққан келишмовчиликларда сизни ҳакам қилмагунларича ва кейин сиз чиқарган хукмдан дилларида ҳеч қандай танглик топмай, тўла таслим бўлмагунларича - бўйсунмагунларича зинҳор мўмин бўла олмайдилар» (Нисо: 65).**

Оиша розияллоху анҳодан ривоят қилинади: Расулуллоҳ соллаллоҳу алайҳи ва саллам айтдилар: «Ким бизнинг бу ишимизда (яъни динимиизда) ундан бўлмаган нарсани пайдо қилса, у рад қилинади» (Мұттафақун алайҳ).

Бир ривоятда: «Ким бизникideк бўлмаган бир ишни қилса, у ради  
килинади» (Имом Муслим ривояти).

A decorative horizontal border at the bottom of the page, featuring a repeating pattern of small, thin vertical bars.



Ирбоз ибн Сория розияллоҳу анҳудан ривоят қилинади: Бир куни Расулуллоҳ соллаллоҳу алайҳи ва саллам намоздан сўнг бизларга юзланиб, ғоят таъсирли мавъиза қилдилар, бундан кўзлар ёшланиб, дилларга (Аллоҳдан) қўркув тушди. Шунда бировимиз: «Ё Расулуллоҳ, бу сўзларингиз гўё видолашувчининг насиҳатига ўхшайди, бизларни нимага тавсия қиласиз?», деб сўради. «Сизларни Аллоҳдан тақво қилишга ва ҳабаш қул (амир қилинган) бўлса-да қулоқ солишга ва итоат қилишга васият қиласман. Чунки, мендан кейин яшаганларингиз тез орада кўп ихтилофларни кўради. Бас, менинг суннатимни ҳамда ҳидоят ва тўғри йўл устидаги халифаларнинг суннатларини лозим тутинглар, уларни маҳкам ушланглар ва тишларингиз билан (яъни, қаттиқ) ёпишинглар. (Динда) янги пайдо қилинган ишлардан сақланинглар. Зоро, ҳар бир янги пайдо қилинган иш бидъат ва ҳар бир бидъат залолатдир», дедилар (Абу Довуд ва Термизий ривоятлари).

□□□□□ □□□□□ □□□□□ □□□□□ □□□□□ □□□□□ □□□□□ □□□□□ □□□□□  
□□□□□ □□□□□ □□□□□ □□□□□ □□□□□ □□□□□ □□□□□ □□□□□ □□□□□  
□□□□□□□ □□□□□□□ □□□□□□□ □□□□□□□ □□□□□□□ □□□□□□□ : □□□□□  
□□□□□□□ □□□□□□□ □□□□□□□□□□ □□□□□□□ □□□□□□□ □□□□□□□  
□□□□□□□□).



## Ислом Нури

Жобир ибн Абдуллоҳ розияллоҳу анхудан ривоят қилинади:  
Расулуллоҳ соллаллоҳу алайҳи ва саллам хутба қилсалар:  
«Дарҳақиқат, сўзларнинг яхшиси Аллоҳнинг Китоби, йўлларнинг  
яхшиси Мухаммад соллаллоҳу алайҳи ва салламнинг йўллари,  
ишларнинг ёмони (динда) янги пайдо қилингани, ҳар бир бидъат  
залолатдир», дердилар (Имом Муслим ривояти).

### Шарҳ:

Ислом дини икки қоида асосига: Ягона Аллоҳга ибодат қилиш ва  
Расулуллоҳ соллаллоҳу алайҳи ва салламга эргашиш асосига барпо  
бўлган. Расулуллоҳ соллаллоҳу алайҳи ва салламга эргашиш бўлмаган  
ва у зот изн бермаган ҳар қандай ибодат рад қилинажак бидъатдир.  
Барча яхшилик фақат Расулуллоҳ соллаллоҳу алайҳи ва салламнинг  
суннатларига эргашишдадир.

### Бугунги дарсдан олинадиган фойдалар:

1. Динда бидъат пайдо қилиш, яъни Расулуллоҳ соллаллоҳу алайҳи  
ва саллам машруъ қилиб бермаган нарса билан Аллоҳга ибодат  
қилиш ҳаром;
2. Бундай амал гуноҳи кабира ва эгасига қайтариладиган амал  
бўлади;
3. Бидъатларнинг барча туридан сақланиш лозим, улар залолат ва  
ёмонликдир;
4. Аллоҳнинг муҳаббати ва мағфиратига эришиш йўли – Расулуллоҳ  
соллаллоҳу алайҳи ва салламга эргашишдир.